



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 361. Usque Ad Annum 395

Fleury, Claude

August. Vind. [u.a.], 1758

VD18 90117786

§. 10. Cura ordinationum.

[urn:nbn:de:hbz:466:1-66032](https://nbn-resolving.org/urn:nbn:de:hbz:466:1-66032)

Sæculum IV. borabant. Quidam Episcopus ample
A. C. 374.

Ep. 319. In-
nocent.

Dioecesis petiit ab eo Virum idoneum,
qui sibi succederet, ipse petenti designat,
quem inter suos Presbyteros dignissimum
æstimabat, virum a multo tempore me-
ritis inclytum, moribus maturum, in Ca-
nonibus Ecclesiasticis doctum, in verafi-
de firmum, in operibus vitæ asceticæ ex-
ercitatissimum, corpus trahentem, mona-
stico rigore attenuatum, pauperem, nihil
in hoc mundo possidentem, ita ut panem
non haberet, nisi quem labore manuum
suarum, sicut & fratres, qui cum ipso e-
rant, fuisset lucratus. In alia Epistola ad

Ep. 263.
p. 1035.

S. Eusebium Samosatenum excusat, quod
jam diu neminem habuisset, quem ad eum
mitteret, *Quamvis enim*, inquit: *Clerici*
noster magno numero esse videntur, non
sunt viri longis profectioibus apti, quod
nullam mercaturam exerceant, sed plerum-
que opere sedentario occupentur, quo pa-

Sup. l. VI. §. nem quotidianum sibi comparant. Hic
24. Cypr. ep. obiter notari potest, eundem fuisse in Ca-
29. Presby. padocia usum, qui & in Africa apud S.
Cyprianum, ut Epistolæ Ecclesiasticæ ne-
mini, nisi Clericis, ferendæ committere-
rentur.

§. X.

Cura Ordinationum.

Epist. 181. Nullibi clarius dispicitur, quanta cura
suos Clericos eligeret S. Basilius,
quam

Sæculum IV.
A. C. 374.

quam in Epistola ad Chor-Episcopos, ubi de eo conqueritur, quod antiqua Disciplina accurate non observetur. Dicit, morem antiquum fuisse, ut nullus inferior Minister reciperetur, nisi post examen, quo curiose in omnem eorum vitæ rationem inquirebatur, an non sint obrectatores, ebriosi, rixatores; an in juventute sanctis moribus fuissent; tunc Presbyteri, & Diaconi eorum convictores de eorum moribus ad Chorepiscopos referebant, qui postquam rem ad Episcopum detulissent, Ministrum Ordini Clericorum adscribebant. *Hodie vero, ad Chorepiscopos inquit: vobismet ipsis totam auctoritatem arrogatis, nostrum consilium non exquiritis, hanc electionem Presbyteris, & Diaconis faciendam relinquitis, qui suo arbitrio homines indignos, propinquitatis, aut amicitiae causa in Ecclesiam inducunt. Hinc quamvis plures Ministri in quolibet vico numerentur, nulli tamen digni sunt, qui Altari serviant, idque vos ipsi testatum facitis, dum fatemini, in Electionibus viros vobis deesse. Igitur ne malum remedio majus evadat, hoc præsertim tempore, quo multi Ministerium suscipiunt, ne militare cogantur, necessitatis esse credidi, veteres Canones renovare. Præcipio, ut mibi Catalogos Ministrorum cujusque vici submittat, a quo quisque receptus fuerit, indice-*

Sæculum IV. *indicetis, & quibus moribus sit; hujus
 A. C. 374. Catalogi exemplum apud vos seruate, ut
 cum nostro conferri possit, & nemo se i-
 psam inferat. Si qui a Presbyteris post
 primam Indictionem recepti fuerunt, ad
 statum Laicorum rejiciantur, hos de novo
 examinabitis, & si vestro suffragio digni
 inventi fuerint, tunc recipiantur. Ergo
 Ecclesiam purgate, eos qui indigni sunt,
 ejiciendo! & imposterum examine eos
 qui digni sunt, & recipite; sed Clericos
 non annumerabitis, nobis inconsultis; ali-
 alias scitote, eum, qui ad Ministerium sus-
 ceptus fuerit absque nostro mandato, sim-
 plicem Laicum futurum. Hic est tenor
 S. Basilii Epistolæ.*

*v. Suiter.
 Thesaur.*

*Sup. l. VI. §.
 44. Cypr. ep.
 29. Presbyt.
 & Diacon.*

Ministros, & inferiores voco, qui sub
 Græco Vocabulo *hyperetes* veniunt, nempe
 omnes, Presbyteris, & Diaconis infe-
 riores, quales sunt Lectores, & Ostiarii,
 & sæpe speciatim Subdiaconi. Hic dis-
 stinctius illam ipsam Disciplinam certifi-
 mus, quæ in quibusdam S. Cypriani Epi-
 stolis traditur; Episcopus cum suis Pres-
 byteris illos examinabat, qui ad Clerica-
 tum suscipi digni erant, & ad ordines des-
 tinabat, (*) tum Lectores, aut Subdia-
 conos ordinabat, rursus in his inferiori-
 bus ordinibus probatos, ad Diaconatum,
 tandemque cum Cleri sui consilio ad
 Pres-

(*) Hic primæ Tonsuræ vestigium apparet.

Presbyteratum admittebat; atque hoc Sæculum IV.
 est, quod S. Basilius hic vocat electionem. A. C. 374.

S. Basilius nihil novi statuit, sed antiquam
 Disciplinam, ex Patrum Traditione ac-
 ceptam, reducit. Scimus etiam S. Pau-
 lum præcipere, ut Diaconi probentur,
 antequam eis Ministerium committatur.

Nectarius, spectabilis vir, S. Basilio
 quemdam commendaverat, ad Paro-
 chiam promovendum. S. Basilius initio
 Epistolæ responsoriæ eum peramice, &
 reverenter habet, deinde tamen insinuat,
 se in ista materia nihil ejus precibus pos-
 se concedere; *Non essem, inquit: dis-
 pensator fidelis, sed mercator, si donum
 Dei pro hominum amicitia venderem.*

*Auditis testimoniis de vita exteriori ho-
 minis, suffragia nostra damus, illi autem,
 qui secreta cordium novit, relinquimus
 judicium, quinam dignissimi sint. Opti-
 me ergo facit, qui simpliciter bonum testi-
 monium alteri dat, servata mentis indif-
 ferentia; oret, ut id, quod utilissimum
 futurum est, manifestet, & Deo gratias
 agat, quodcunque evenerit. Econtra res
 plena periculi est, tenaciter velle vincere,
 sic enim pro eo, cujus, forte in multis pec-
 caturi, Patrocinium suscipit, Patronus
 se vadem reddit. Si ordinationes ab hu-
 mano dependent arbitrio, nihil sunt, nisi
 veritatis simulacrum. Si hominum est,
 hanc potestatem dare, quid opus est a no-*

Hist. Eccles. Tom. IV. Ee bis

I. Tim. 3. 10.

Ep. 323.

Simonis

2. 2. 11.

Sæculum IV. *bis petere, quod ipsi occupare potestis? Si*
 A.C. 374. *autem a Deo accipitur, humiliter petenda*
 est, nec insistendum, ut nostra voluntas
 fiat, sed Dei Providentiæ omnia commit-
 tenda.

S. Basili E- In Materia Simonix S. Basilius ad E-
 pistolæ. piscopos suæ Provinciæ scribit in hunc
 Ep. 30. modum: *Causa, propter quam bodie ad*
vos scribo, ita singularis est, ut anima
mea dolore obruatur, quod vel tanti cri-
minis suspicio in vos cadere potuerit!
aliqui ex vobis pecuniam accipere dicuntur
ab iis, quos ordinant, atque, quod pejus
malum, suo scelere pietatis speciem obten-
dere; qui malum facit sub specie boni, do-

Simoniam. *pliciter reus est. Si quis pecuniam acci-*
 pit, illi terribiles pænæ, a S. Petro inter-
 titatæ, denuntiandæ sunt; pereat pecunia
 tua tecum! qui per ignorantiam donum
 Dei emere vult, minus peccat, quam qui
 vendit. Si, quod gratis accepistis, pretio
 venditis, gratia a vobis auferetur, et
 quod Sathanae traditi sitis. Quæstum in-
 ducitis in causas spirituales, & Ecclesiam
 Dei, in qua nobis Jesu Christi Corpus
 & Sanguis commissa sunt. (*) Sed bene
 astu-

(*) Hæc verba: *In qua nobis Jesu Christi*
Corpus, & Sanguis commissa sunt. nisi me-
 fere detorqueantur, in sensu Catholico de præ-
 sentia Corporis Christi per Transsubstantia-
 tionem accipienda sunt, & in iis insigne Veritatis
 Catho-

astutiam! peccare se non putant, si non
 nisi ordinatione peracta pecunias acci- Sæculum IV.
A. C 374
 piant; at nihil interest, quando accipia-
 tur! obtestor vos igitur! ne contamine-
 tis manus vestras! nec vos indignos, qui
 sacra Mysteria celebretis, efficiatis! igno-
 scite, si graviores minas ingero, primum
 enim tantum malum non credidi, jam ve-
 ro credo; si quis post acceptam hanc Epi-
 stolam meam rem turpissimam commise-
 rit, ab altari nostro abscindetur; quærat
 alibi locum, ubi Gratiam Dei vendere,
 & emere liceat! Vult dicere, talem E-
 piscopum Simoniacum, si Cæsaream ve-
 niret, (*) nec ad celebrationem, nec ad
 participationem Sanctorum Mysteriorum
 admittendum.

Ee 2 §. XI.

Catholicæ Testimonium ab antiquissimo S. Pa-
 tre habemus. Multum fane Interpretis Prote-
 stantis sinceritati debemus, quod hæc non cor-
 ruperit, & temeraria Critica, quam impense de-
 perit, non addiderit, sicut in alio loco, nobis
 Jesu Christi Corpus, & Sanguis in Cruce
 commissa. Cæterum in hoc Libro usque ad Nu-
 merum XI. ter valde inepte interpretatus est
 Fleurium.

(*) Non videtur hic esse S. Basilii sensus,
 sed potius, talem esse simpliciter excommuni-
 candum.